



Broj: 14-11-4-13666-13/22
Zenica, 11.01.2023.godine

Na osnovu člana 69. stav (3) i člana 72. stav (4) Zakona o javnim nabavkama („Službeni glasnik Bosne i Hercegovine“, broj: 39/14 i 59/22), u postupku javne nabavke „Sanacija i adaptacija objekta na adresi Masarykova 37 za potrebe Ministarstva za obrazovanje, nauku, kulturu i sport Zeničko dobojskog kantona“, direktor Službe za zajedničke poslove Zeničko-dobojskog kantona, donosi:

ODLUKU
o otkazivanju postupka javne nabavke

I

Postupak nabavke „Sanacija i adaptacija objekta na adresi Masarykova 37. za potrebe Ministarstva za obrazovanje, nauku, kulturu i sport Zeničko dobojskog kantona“, se otkazuje u skladu sa članom 69. stav 3. Zakona o javnim nabavkama zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

Odluka o izboru najpovoljnijeg ponuđača, broj: 14-11-4-13666-8/22 od 07.12.2022. godine se stavlja van snage, a Ugovor o nabavci građevinskih radova za „Sanaciju i adaptaciju objekta na adresi Masarykova 37. za potrebe Ministarstva za obrazovanje, nauku, kulturu i sport Zeničko-dobojskog kantona“, broj: 14-11-4-13666-10/22 od 26.12.2022. godine se u skladu sa članom 72. stav (4) smatra apsolutno ništavnim.

III

Ova odluka objavit će se na web-stranici <http://www.zdk.ba/>, u skladu sa članom 70. stav 6. Zakona o javnim nabavkama.

IV

Odluka stupa na snagu danom donošenja.

Obrazloženje

Postupak javne nabavke za „Sanaciju i adaptaciju objekta na adresi Masarykova 37. za potrebe Ministarstva za obrazovanje, nauku, kulturu i sport Zeničko dobojskog kantona“, je pokrenut donošenjem Odluke o pokretanju postupka broj: 14-11-4-13666/22 od 09.09.2022. godine.

Javna nabavka je provedena putem otvorenog postupka sa predviđenim provođenjem postupka e-Aukcije putem portala za Javne nabavke BiH. Procijenjena vrijednost nabavke je 299.145,30 KM bez PDV-a.

Dana 31.10.2022. godine objavljena je tenderska dokumentacija na portalu Agencije za javne nabavke istovremeno sa objavom Obavještenja o nabavci, pod brojem: 771-1-3-29-3-29/22. Objava obavještenja je izvršena i u “Službenom glasniku BiH”, broj 75/22 dana 11.11.2022. godine.

Nakon uspješno okončane e-aukcije, a na osnovu Izvještaja o toku i završetku e-aukcije donesena je Odluka o izboru najpovoljnijeg ponuđača, broj: 14-11-4-13666-8/22 od 07.12.2022. godine, kojom je ugovor dodijeljen ponuđaču „Almy Gradnja“ d.o.o. Zenica, kao prvorangiranom i najpovoljnijem ponuđaču.

Nakon što je pribavio mišljenje Kantonalnog pravobranilaštva na prijedlog ugovora, Ugovorni organ je sa izabranim ponuđačem zaključio Ugovor o nabavci građevinskih radova za „Sanaciju i adaptaciju objekta na adresi Masarykova 37. za potrebe Ministarstva za obrazovanje, nauku, kulturu i sport Zeničko dobojskog kantona“, broj: 14-11-4-13666-10/22 dana 26.12.2022. godine.

U skladu sa članom 4. ugovora izabrani ponuđač je bio u obavezi da u roku od 10 dana po potpisivanju ugovora dostavi безусловnu bankovnu garanciju za dobro izvršenje ugovora.

Rok za dostavljanje Garancije bio je 05.01.2023. godine, a ista je dostavljena 06.01.2023. godine, te se zaljučeni ugovor u skladu sa članom 72. stav (4) Zakona smatra apsolutno ništavim.

Odredbom člana 72. stav (3) tačka d) Ugovorni organ je dužan dostaviti prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti garanciju za izvršenje ugovora u ostavljenom roku, međutim, Odlukom o privremenom finansiranju Zeničko-dobojskog kantona za period januar - mart 2023. godine, broj: 01-11-19264/22 od 28.12.2022. godine Službi za zajedničke poslove, kao ugovornom organu, nisu dodjeljena sredstva za rekonstrukcija i investiciono održavanje, a Zaključkom Vlade broj: 02-30-19140/22 od 26.12.2022.godine naloženo je svim kantonalnim organima i obustavljanje svih postupaka preuzimanja obaveza i preraspodjela budžetskih sredstava potrebnih za preuzimanje obaveza, to se predmetni postupak morao otkazati u skladu sa članom 69. stav (3). Zakona o javnim nabavkama („Službeni glasnik Bosne i Hercegovine“, broj: 39/14 i 59/22).

S obzirom da gore navedeno predstavlja okolnost koja je izvan kontrole Ugovornog organa, a koju nije mogao predvidjeti u vrijeme pokretanja postupka javne nabavke, odlučeno je kao u dispozitivu.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi, putem Ugovornog organa, u roku od deset (10) dana od dana prijema Odluke.

Dostavljeno: 1 x ponuđači (putem e-maila)
1 x tenderska dokumentacija

DIREKTOR
Miralem Redić